

1711 12/29 6 1/2 pignori data

Sammeltitel!

D 1507

2

52.

EPISTOLA

QVA
VIRO

PRÆNOBILISSIMO ET CONSVLTISSIMO DOMINO
DOMINO

JOH. RODDE.

LVBEC.

FAVTORI ATQVE AMICO SVO OPTIMO,
CVM

PRO LICENTIA

SVMOS IN VTROQVE JURE CAPESSENDI HONORES
PVBLICE DISPVTASSET,

HONORES HOSCE GRATVLATVR, ET FAVSTA
QVÆVIS ADPRECATVR,

SIMVLQVE NON NIHIL DISSERIT,

DE

CLARIS JURE-CONSVLTIS, QVI

IN IPSO JUVENTVTIS FLORE PRÆCLARAM

SVI NOMINIS FAMAM CONSECVTI SVNT

JOH. HENRICVS STOLTENBERG. LVBECENSIS.

SS. THEOL. STVDIOSVS.

JENÆ,

LITERIS MVLLERIANIS.

EPISTOLA

VIRI

D. DOMINO

JOH. RODDE

LVFEC

PRO LICENTIA

SVINOS IN VITROVT IVRE CAMPSENDI HONORES

PAVILICR DISYASSIT

HONORE HONOR REIVAVIT ELIVSTA



CLAUSITUR CO


IN ISO IIVENTVTS HORE PRAECIARAM

U NOMINE IANAM CORRECTIT STIT

JOH. THIMMIGVS STOTTE BERG. IANAM

MTERIS MILLERIANIS





V I R
PRÆNOBILISSIME ATQVE CONSVL-
TISSIME!



I ullus unquam dies exoptatus mihi advenit, certè hodiernus albo mihi notandus lapillo videtur, quippe quo occasionem nanciscor, ea, quæ multis jam abhinc annis in votis habui, præstandi, ut animum scilicet meum TIBI totique splendidissimæ RODDIANÆ FAMILIÆ devinctissimum scripto aliquo publico testatum facerem. Multa profectò causæ sunt, quæ ad hoc negotium subeundum me impellere queunt, ut difficile sit eas ordine recensere. Ut enim taceam, in tenerà jam ætate suavissimo TVO consortio frui mihi fuisse concessum, meque adultum postea iisdem TECVM literis, quæ certè non parum amoenitatis habent, imbutum fuisse, illa tamen præmittere nequeo benevoli TVI in me affectus specimina, quibus quavis occasione datà in hac Musarum sede me ornasti. Quæ omnia, si animo meo pensito, jura

A 2 amici-

amicitiæ laedere mihi viderer, nisi gratus eorum publicus æstimator existerem. Equidem non ignoro, ingenium viresque mihi deficere, si vel minimum laudum TVARVM, ea, qua par est, dignitate, nedum omnia encomia TIBI debita describere, in animum inducere vellem, unde non immeritò, ne conamen hocce meum in sinistram rapi posset partem, veritus sum; vicit tamen observantia mea omnem pudorem, quâ, quæ minus dignè & concinnè posita sunt, suppletum iri, confido. Perpendenti autem mihi, quamnam materiam pertractandam sumerem; (quippe multa dicendo nihil dicere nefas esse duxi,) vastissimus mihi campus sese aperuit, unde fluctuavit animus nefcius quid ex tanta rerum copia eligeret. Venere tandem in mentem *Clari quidam Jure-Consulti, qui in ipso juvenutis flore præclaram sui nominis famam consecuti sunt.* Nam omnes enarrare velle, neque temporis ratio, quâ ad alia studia tractanda teneor, neque epistolæ hujus scopus patitur. Liceat igitur, quamvis ex antiquis sit, primo loco collocare FLAVIVM JOSEPHVM, cujus in historiam sacram merita omnes celebrant, cujusque labori eorum temporum cognitionem debemus, quorum alias plane nulla, certe obscurissima, habemus vestigia. Is de se ipso (a) refert, quod ea jam ætate, quando nondum ex ephebis excessisse judicabatur, *quatuordecim scilicet annorum adolescentulus* à Pontificibus & urbis Hierosolymitanæ primoribus consuli fuerit solitus, ut ab ipso penitentiorem legum sensum possent ediscere. Testimonia quidem, quæ quis de se ipso profert, non semper solent ratihaberi, quippe ex nimia *Φιλανθία* hæc procedere credas, sed cum quilibet bonus vir præsumatur, quamdiu sinceritatis læsæ non manifesta occurrunt indicia, hunc quoque Virum

(a) in princip. vir.

Virum ab omni Thraſoniſmo hac in parte immunem arbitror. Huic addam PLINIVM illum SECVNDVM, cujus præter cætera ſcripta epiſtolæ etiamnum eruditæ in magno habentur pretio, hic de ſe ipſo (b) teſtimonium edidit, *quod undeviceſimo ætatis anno cæperit* in foro dicere. ACCVRſIVM novimus more majorum univerſum jus gloſſis non contemnendis illuſtraſſe; (c) quod opus ætate adhuc florenti, annum ſcilicet XIX. agens incepit, pro ſua, qua pollebat eruditione ingentique alacritate brevi ſpatio abſolvit, eoque labore non mediocrem famæ ſuæ gloriam conciliavit. Liceat huc etiam referre BRISSONIVM quem Thuanus (d) nobis commendat, quod *adoleſcentiam vix egreſſus* ſingularia præſtantissimi ſui ingenii eruditionisque haud vulgaris ſpecimina ediderit, refert enim l. c. cum in ſummâ Galliæ curiâ in celeberrimorum Advocatorum numerum adſcitum, iisque ſi non ſuperiorem, ſaltem non inferiorem ſe geſiſſe; in arte ſc. orandi præclarum ſe exhibuit, genere dicendi copioſo quidem, neutiquam tamen affectato uſus fuit, ſed, prout ipſius verba ſe habent; perſpicuo facilique, & in modum levissimi æmnis nitidè puriterque fluentis. Quapropter etiam a quibusdam, iisque non paucis in agendis cauſis contribuli Tiraquello longè ſuperior judicatus fuit. Inauditum fere eſt, quod de ANDREA CANTERO, X. ætatis *puero* Grœningæ in Belgio nato, illi, (e) qui res geſtas literis mandant, memoria prodiderunt. Is *in primo hoc ætatis flore* tantos in omnibus artibus, itemque & facultate Theologicâ & Juridicâ progreſſus fecerat, ut

A 3

facram

- (b) libr. V. epiſt. IIX. (c) conf. Joh. Bartholdus Tuneranus Part. I. cap. IIX. hiſt. Jur. Rom. (d) conf. Thuan. hiſt. libr. 102. & ex eo Leickherus in vitis Clariffimorum Jctorum. (e) conf. Wendelinus in præfat. Logicæ, aliq;

sacram utriusque Testamenti Scripturam *ἀνεξήλωτος* explicare, & non minus civile, quam canonicum jus magna cum auditorum admiratione & stupore interpretari, & publicè profiteri, nec non ad subtilissimas quasvis quaestiones sine ulla præviâ meditatione respondere, nodosque solutu difficillimos syllogisticè propositos felicissimè, summâque animi alacritate expedire potuerit. Cujus fama cum ad Imperatoris Friderici III. aures pervenisset, illum movit, ut non solum legatos ad eum mitteret, sed ipse manu sua literis ad eum datis eum honestissime ad se evocaret, Doctõris axioma & primum in aulâ Imperatoriâ locum promittens. Quis ignorat, quantis ingenii dotibus magnus ille Vir meritisque infinitis clarus, HVGOGROTIUS præditus fuerit, quem *annum ætatis nonum vix agentem elegantissimos* jam tum versus composuisse ferunt. (f) Annum ætatis decimum quintum nondum egressus, magnos & præclaros tam in philosophiâ, quam Theologiâ, scientiâque Juris fecerat progressus, eodemque annò egregium Martiani Capellæ opus eruditè notis tersum & ab innumeris, quibus scatebat, mendis emaculatum in lucem emisit. *Annum ægens XVII.* ob excellentem ingenii vim cum legato ordinum Hollandiæ in Galliam missus est, quo factum, ut in notitiâ Regis Galliæ Henrici IV. perveniret, qui sicuti excellentium ingeniorum magnus æstimator erat, ira hunc quoque Adolescentem eruditione & prudentiâ superantem Viros magni fecit. Vnde in Galliâ paulo post Doctõris titulo fuit condecoratus. Non iniquum me facturum esse arbitror, si magno huic Viro adjungam, in rerum publicarum administratione feliciter gestâ,

(f) conf. Petrus Bælius in dictionaire historique & critique Tom. II. pag. 1402. & Saldenus de libris lib. II. cap. III.

gestâ, etiam non parvi nominis Virum, DANCKELMAN-
 NVM, (g) qui adeo felici ingenio polluit, ut cum *annum*
etatis decimum nondum excessisset, theses juridicas eru-
 ditè jam ventilârit, easque contra adversariorum insultus
 mirâ ingenii promptitudine & alacritate summâ defende-
 rit. Nec posteriorem locum meretur FRANCISCVS
 HOTTOMANNVS (h) Jctus percelebris ac sui seculi
 Phoenix, qui tantâ ingenii præstantiâ literarum studia ex-
 coluit, ut *pene puer* libellum *de gradibus cognationis, adjun-*
ctò simul diagrammate publicârit, qui magno in pretio
 à doctissimis Viris habitus fuit, adeo, ut post breve tem-
 poris spatium Jctus quidam haud ignobilis eundem suis
 in Institutiones Commentariis mirificè commendatum in-
 ferere non dedecori sibi duxerit. Idem CLARISSIMVS
 VIR, *annum etatis suæ vigesimum tertium* nondum egres-
 sus, summò cum applausu aliis prælegere, seque in dispo-
 nendâ studiorum ratione comitem præstare potuit. His
 non immeritò annuero præclarum illum Juris antistitem
 & in omni literarum genere versatissimum PETRVM
 HAIGIVM (i) qui *adolescens* ad literas adhibitus juri ci-
 vili se mancipavit, in quo, mirâ ingenii felicitate adjutus,
 tantos fecit progressus, ut ei a Serenissimo Electore Sa-
 xoniæ Augusto ferè adhuc *juveni* Wittebergæ publicè do-
 cendi ac de jure respondendi partes fuerint demandatæ.
 Quo in professionis munere solenne suum obtinuit, ma-
 gnâque cum studiosorum approbatione muneris sui par-
 tes tuitus est, quippe nihil earum rerum, quæ ad Jctum

per-

(g) conf. Ant. Teisserius in *dedicat. Elogiis eruditorum*
 præmissâ. (h) vid. Ant. Teisserius in *elogiis erudito-*
rum Tom. II. pag. 136. seqq. Tom. III. pag. 353. & Petrus
 Neveletus Dofchius in vitâ ejus, in vitis Jctorum à Lei-
 ckero editis, recusâ. (i) vid. Melch. Adami vitæ Ger-
 manorum Jctorum & Politicorum in vitâ ejus.

perfectum, quique alios docere satagit, requiruntur, ei defuit. Fuit namque sedulus & fidelis in docendo, in legibus explicandis summâ præditus facundiâ, in gravissimis rebus extricandis acutissimus, inque dijudicandis controversiis providus non minus atque felix, quæ omnia præclarum ejus ingenium satis arguunt. Injurius forem, si Virum doctissimum JACOBVM CORBINVM (k) ommitterem, qui in tenera adhuc ætate tam insignes ingenii sui fructus dedit, ut, nondum annum duodecimum ætatis egressus, Licentiam, summos in jure honores ambiendi, adeptus fuerit. Vix annus processerat, cum Parisiis publicis interesse rebus, causarumque Patronum agere, ei permetteretur. *Sequenti anno*, qui ætatis suæ erat decimus quartus, causam oravit in senatu Parisiensi magnâ cum eruditionis & eloquentiæ gloriâ. Ut itaque non ineptè in eum Iussisse hoc disticho aculeatò creditus fuerit Martinettus Patronus causarum Parisiensis doctissimus atque eloquentissimus.

Vidimus attonito puerum garrive senatu,

Bis pueri, puerum, qui stupere senes.

Huic plane æquiparandus, si non præferendus videtur GVSTAVUS AB HELMFELD Liber Baro in NYENHUSEN / qui pariter annò ætatis suæ decimò stupendâ & illam ætatem supergressâ eruditione fuit præditus; non enim solùm tenuit linguas X. uti Suecicam, Moscoviticam, Polonicam, Latinam, Gallicam, Hispanicam, Italicam, Belgicam, Anglicam & Germanicam, quibus Vir maximi nominis, maximorumque in omne literarum genus meritum Theologus, & de puritate imprimis sacrorum nostrorum asserendâ sollicitus Dominus D. GEORG. HENRICVS GOETZIVS, Superintendens apud Lubecenses

(k) conf. Ægidii Menagii amœnitates juris civilis.

longe meritisimus, Patronus meus omni honoris ac ob-
servantia cultu ætatem prosequendus addit (1) Græcam
& Hebraicam; sed & philosophiæ præcepta accuratissime
hausit, Matheseos & imprimis Geodetica & Architectu-
ræ militaris scientia claruit. In Theologia tam egregie
versatus erat, ut totum Synodum Narvensem & oppo-
nendo & interrogando fatigârit simul & oblectârit. Ad
Batavos dein profectus anno ætatis decimo octavo ma-
xima cum laude Lugduni Batavorum *de occupatione* di-
sputavit. Tanta igitur ingenii præstantia clarus adolescens
non potuit in occulto manere, sed quemadmodum Sol
radiis suis etiam minutissimas rimas penetrat, & per has
conclavia clausa illustrat, sic quoque fama hujus ado-
lescentis occultari non potuit, sed mox longe lateque se
diffudit, adeoque etiam in Angliam penetravit, quam
simulac invisit, honore meritis suis haud indigno macta-
tus est, regis quippe ibi associatus societati. Annos circiter
undeviginti natus, Assessoris Tribunalis Wisnariensis mu-
nia illi imposta sunt, & paulo post Polonica frequenta-
vit comitia, quibus non sine insigni meritorum suorum
laude interfuit. Tardior quidem si cum his compares,
sed si aliorum ingenium spectes, satis maturus fuit JVL.
ARMAND. COLBERTVS (m) Baptista Gallici Mœcenatis
filius, qui anno ætatis supra decimum quinto Lutetiæ *posi-
tiones quasdam de jure* propugnavit, quo labore usque
adeo se commendavit, ut Patriæ Patres eum honorariis
Assessoribus adscripserint, iniquum judicantes, eum, quem
DEUS ipse tantis beaverat donis, aliis ætate quidem
plus valentibus, ingenii vero bonis longe inferioribus
postponere. Nec prætermittendum esse arbitror celebra-

B

rimum,

(1) in Principe græce docto pag. 31. seq. (m) vid. Egidi
Menagii amœnitates juris civilis.

ritum, quo LVBECA dum viveret, cive gloriabatur. JOHANNEM WERLHOFIVM in Academia Helmftadienfi Profefforem primum Politices, dein Juris longe meritiffimum, fuæque Facultatis Seniore, & intuitu meritum à Sereniffimo Duce Brunfucenfi munere Confiliarii aulici ornatum, cujus nomen etiamnum Academia Julia grata memoria celebrat. HIC præter cætera adolefcentiæ fuæ laudabilia fpecimina tractatum fcripfit *anno ætatis fuæ vigefimo primo* haud vulgari doctrina refertum *de commerciis maritimis*, ex quibus primitiis facile conjici poterant uberrimi fructus, fi ad maturitatem pervenirent. Quod fi ipfam Academiam noftram Salanam perluftrarem, non folum ex antiquis, fed etiam recentioribus fatis ampla fe offerret cõpia, quibus recenfendis integrum volumen vix fufficeret. Ex tanto igitur numero, prodeat jam decus illud & quondam ornamentum hujus univerfitatis Perilluftris NICOLAVS CHRISTOPHORVS S. R. I. LIBER BARO DE LYNCKER (n) cujus immenfa merita legum cultores nunquam fatis deprædicare poffunt. Utî igitur, qualis Vir quilibet tandem evafurus fit, plerumque jam adolefcentia prodit, fic quoque excellentiffimus nofter Lynckerus in primo juventutis flore jam, quantus aliquando Vir erat futurus, demonftravit. *Anno quippe ætatis duodevicesimo* nondum peracto tanta jam pollebat doctrina, ut aliis viam in ftudiis rite calcandam demonftrare valeret. Qua propter nondum *vicesimum ætatis annum* fupergreffus in Academia Giefenfi privatos inter parietes collegia Auditoribus ob generis nobilitatem illuftribus aperuit, & ut ad hæc doctentis munia magis magisque aptus redderetur *anno æta-*

(n) conf. M. Joh. Cafp. Zeumeri vitæ Profefforum Jenenfium in vita ejus.

etatis vigesimo primo honores in jure summos tanquam laboris præmium capeffere in animum sibi inducebat. Quos ut consequeretur publicæ eruditorum ventilationi disputationem inauguralem de *separatione bonorum* subjecit, quam ipse tanquam Præses defendit, statimque licentiam supremos assumendi Doctoris honores consecutus est. Hujus lateri adjungam Virum dum in vivis erat, illustrem, & de jurisprudentia & republica longe meritisimum PETR. MVLLERVM (o) Cancellarium Rutheno-Plaviensem & Sacri Synedrii Præsidentem, qui *annos sedecim nondum egressus*, Jenam nostram tanquam studiorum Academicorum matrem ad studia sua excolenda ingressus est, ubi haud diu commoratus primitias studiorum suorum dedit. Bis namque in cathedra academica sub umbone clarissimi M. CHRISTIANI TIEROFFII disputando prima nimirum vice *de fortitudine*, altera *de templo honoris* tam strenue se geslit, ut non sine applausu singulari audientium corona eum admirata fuerit. Jena discedens Giesam petiit, ubi non minus ingenii sui dotes egregias exercuit, & quid valeant humeri ostendit. Imprimis in palæstra disputatoria frequentissime se stitit. Postquam & ibi magna studiorum suorum suorum incrementa nactus esset inde Erfordiam abiit, ubi sub præsidio JCrī celebris Domini D. SODENII disertationem publicam habuit, suasque partes mascule & erudite admodum tuitus commune ab omnibus eruditionis singularis retulit præconia. Illa quoque Musarum fede relicta tandem Helmstadium se contulit, ibique omnium promptissimis votis, quod ambiit, consecutus est, ita ut *anno etatis vicesimo tertio* explorata per præ-

B 2

via

(o) *evol. M. Joh. Casp. Zeumeri vitæ Professorum Jenensium in vita ejus.*

via examina ejus scientia juris, summaque cum laude, disputatione inaugurali, quam vocant, *de foro Protestantium in judiciis Ecclesiasticis* habita, Doctores insignia atque honores ex merito capesseret. Huic comitem se praebeat celeberrimus omnique scientiarum genere instructissimus Vir DANIEL GEORG MORHOFFIUS (p) cujus praeter coetera eruditissima scripta egregius ille & nunquam satis laudandus Polyhistor, qui in maximo Viris doctis habetur pretio. Hic ut ostenderet, quid orbis eruditus ab illo sperare posset, mature se ad scribendum applicuit, & cum *annos nondum undeviginti* egressus esset, publice ipsemet autor disputationem juridicam commilitonibus praeside Consultissimo RAHNIJO submisit ventilandam, in qua satis docte *de morbis* egit. Hinc post alia eruditionis specimina edita, cum ad publicum munus obeundum satis idoneus judicaretur, *anno aetatis vigesimo* absolutò illi Poeseos Professio in Academia Rostochiensis demandata, *eodemque anno* Magisterii honoribus pro more Facultatis philosophicae ornatus fuit. Hanc spartam adeptus publicae utilitati deesse noluit, adeoque sui arbitratus est esse officii, ut pro ea, qua eminebat scientia, aliis quoque literarum artium cultoribus subsidia studiorum suppeditaret; hinc publicis inlectionibus auditoribus suis facillimam ad eloquentiam, Poeseos, imo & juris cognitionem perveniendi viam praclare ostendit. Hunc honorem adeptus eruditionis suae uberiores fructus percipere non iniquum judicavit, hinc anno mox sequenti, cum *annum aetatis vicesimum secundum* nondum implevisset, egregiam conscripsit disputationem *de jure silentii*, eamque pro summis in utroque jure impetrandis honoribus sine praeside fortiter defendit.

(p) conf. Adolph. Clarmund in *vitis clarissimorum* in re literaria Virorum P. V.

fendit. Tandem me vocat Vir, cujus jacturam LVBECA
 nostra adhuc deplorat, virtute immortalis, Jure-consultus
 pius, justus, comes, candidus, Poeta sine fumo sine fuce
 admirabilis, (ut verbis Viri Experientissimi MEN. NIC.
 HANNEKENII Medicinæ Doctoris & Practici apud
 Lubecenses longe celeberrimi Patroni mei spectatissimi
 verbis (q) utar.) Dominus ANDR. LANGIVS, cujus ala-
 critas laboriosa, ita placuit inelytæ Reipublicæ Lubecen-
 sis Senatui, ut liberum ipsi aditum & confessum in Curia
 concederet, ac referenda proponere & camerales ipsum
 dicere causas juberet, de quo supra laudatus Dn. D.
 GOETZIVS (r) itemque Phrontisterij Lubecensis Præcel-
 lentissimus Rector ENOCHVS SVANTENIVS Præ-
 ceptor olim meus fidelissimus (s) referunt, eum *anno*
ætatis decimo octavo in examine hyemali publice carmen
 quoddam *de Laudibus Lubecæ* recitasse, *anno sequenti de*
Laudibus Academicarum summo cum applausu publice
 perorasse simulque studiis Gymnasticis valedixisse. *Anno*
autem ætatis vigesimo tertio sub præsidio Consultissimi
 Dn. GOETZII JCii & Antecessoris in Academia Lipsiensi
 (ut eruditionem suam omnibus ostenderet) *de æquitate*
Juris Lubecensis dissertationem doctissime elaboratam eru-
 ditorum Commilitonum examini subjecisse, hocque actu
 disputatoriò solenni illum admirandam capacitatem sui
 ingenii, eloquentiam haud vulgarem in latina lingua, qua
 præ multis præditus erat, & solidissimam scientiam in jure
 fati superque commonstrasse, ita ut præsentia præsidis sui
 tantum ei in testimonium eruditionis inserviret. Postea *an-*
no ætatis vigesimo quarto in Ultrajectina Academia habita de

B 3

Erro-

(q) in cenotaphio virtuti famæ æternæque memoriæ Vi-
 ri hujus inastimabilis posito (r) in dem Verlangen
 derer Gläubigen nach einem frommen Leben und heiligen
 Absterben. (s) in memoria Viri hujus.


*Erroribus, qui circa quæstiones per tormenta committuntur, disputatione, eximia cum laude Utriusque Juris Doctorem solenni promulgatione creatum esse. Non TE fugere poterit VIR CONSULTISSIME, quorsum hæc longa series eruditorum vel in adolescentia vel juventute sua præclare de orbe literato meritorum tendat. Etenim si studia TVA & indefessos labores, quos à tenera jam ætate impendisti literis, & felicem illum successum, qui ubique studia TVA committatus est, perpendo. TIBI inter Viros hosce præstantissimos non infimum debere locum lubens ago. Nondum enim animo meo excidit, quomodo, dum subællia adhuc scholastica calcabamus, magna cum faciundia, nec non Doctissimorum Vjrorum & Comilitonum TVORVM admiratione minor septendecim annis natu de PASSIONE ET MORTE JESV CHRISTI versibus Latinis publice declamaveris. Cumque firmiter apud animum TVVM constituisles Themidi TE devovere, consultum esse dicebas, ejus præcepta mature imbibere, quo postea feliciori successu ea, quæ ad JCTum egregium requiruntur, percipere posses. Quo in negotio autem laudati, & non ira pridem, quamvis in flore ætatis beate defuncti JCTI LANGU opera adjutus, egregia legum posuisti fundamenta, & secundum præcepta STRUVII in jurisprudentia romano-germanica juris civilis scientiæ præclaram navasti operam; juris quoque publici elementa ad Monzambanum haud infeliciter edoctus fuisti. Cum autem non ignarus esses optime eos agere, qui cum disciplinis gravioribus *rom literariam & philosophiam* conjungunt, hanc quoque methodum à TE eligendam esse censuisti. Quapropter non tantum ex ore Viri jam laudati *Ethica & Politica* ut & *scientia literarie doctrinam* haufisti, quo librorum cognitione imbutus, oprimos, qui in quavis scientiæ parte scripserunt, autores adhibere posses; Sed etiam in *Logicis* informatione Viri admodum Reverendi & Doctissimi VVESTERHEIDI, Pastoris Mecklenburgici longe meritissimi usus es. Anno subsequenti scilicet *decimo octavo*, cum & in humanioribus, quas vocant disciplinis egregios fecisses profectus, & legum peritia non exigua jam polleres, ultimum LYCEO NOSTRO LVBEGENSI dixisti Vale, & denuo ex more recepto multa cum eloquentia publice *de methodo studendi & imprimis jura excolendi* perorasti, quæ omnia satis aperte ingenii TVI alacritatem commonstrarunt, spemque fecerunt PATRIAE DVLCISSIMÆ, TE aliquando sibi fulcro &*

emo-

emolumento futurum esse. Quam spem expectationemque ut sustineres, summo cum ardore studiis in omnibus, quas invisisti Academicis, Helmstadiensi, Tubingensi, nostraque Salana incubuisti, nilque quod ad Jctum consummatum aliquando reddendum inserviret, intactum reliquisti. Non autem, uti fieri solet, illotis ad ipsa Juris penetralia accessisti manibus, sed præter illa apud LANGIVM jam in Patria habita collegia Helmstadii præeunte celeberrimo IOHANNE VVERLHOFFIO hospite TVO, quo familiariter, ferme dixerim, utebaris. *institutiones justinianeas*, nec non incomparabile illud opus H. GROTIJ *de Jure Belli & Pacis* privatisime TIBI explicanda curasti. Excellentissimum quoque Virum D. GEORGIVM ENGELBRECHTVM *Schützi* compendium *Lauterbachianum* explicantem summa cum attentione audivisti. His laboribus exantlatis tempus ob inopinatam VVERLHOFFII mortem Helmstadii ultra conterece reculans Tubingam iter suscepisti, ubi pari dexteritate collegiis inter fuisti. Usus igitur opera Viri inter summos nostri ævi Jctos referendi F. C. HARPRECHTI lectionibus examinatoris ad collegium magnum *Lauterbachianum theoretico-practicum* quotidie per tres horas auscultantem TE præbivisti. Ab Excellentissimo autem D. MICH. GRASSO privatisime STRUVII *jurisprudentiam Romano-Germanicam* addito examine Tibi exponendam curasti, ejusque collegium privatum examinatorium ad FROMMANNI *disputationem de actionibus frequentasti*, eodem quoque Præside in collegio *disputatorio tam opponendo, quam respondendo* sedulo TE exercuisti, non mediocres ingenii TVI vires hac in re commonstrans; *capsulationem* insuper *caesaream* à celeberrimo Juris Publici Doctore SVEDERO una cum aliis TIBI explicari, & quæ ad uberiozem ejus cognitionem pertinent, proponi voluisti; Cancellarii quoque JÆGERI lectionibus, quibus historiam seculi XVI. & XVII. illustrabat, privatisimis, sedulo adhæcisti. Illâ quoque Musarum sede relicta, Academia nostra Salana extenso quasi brachio TE amplexa est, lætata, quod, uti non frustra ominabatur, hos industria TVÆ debitos honores, TIBI collatura esset. Quo vero & heic eruditioni TVÆ aliquod incrementum adderes, lubuit Viri Summe Reverendi & Magnifici, de toto orbe erudito & imprimis hac academia longe meritisimi Domini D. IO. FR. BVDDI Patroni atque Præceptoris mei ad cineres usque colendi collegio privatisimo in doctissimum H. GROTIJ opus *de J. B. & P.* interesse. Nec iniquum esse duxisti, explicationem ad *Schützi compendium Lauterbachianum*, opera excellentissimi Jurium Professoris Domini D. IO. CHR. SCHROETERI denuo repetere. Præterea Historiographi sine pari & non minus egregii Jcti BVRC. GOTTH. STRUVII, Patroni mei devenerandi

randi collegium *de statibus Europe* non sine insigni utilitate frequentasti. In *jure* quoque *Canonico*, quin & *feudali* explicando Juris Doctorem hujus Academiae celebratissimum BECKIVM non sine fructu uberrimo audivisti. *Juris* denique *Publici* uberiorem explanationem Vir Clarissimus RICHARDVS Bibliotheca Salanae Praefectus suppeditavit. Egregia fateor hæc omnia profectuum TVORVM sunt indicia, illustrius tamen vix edere poteras hæce TVA eruditissime conscripta disputatione Inaugurali *de Legatis ad pias causas*, cujus si encomia persequenda suscipere vellem, rem viribus meis superiorem me aggressurum esse ingenue confiteor. Ne igitur calamo meo nimis imperito debita sua laude eam privem, satius esse duco, eundem inhibere, & operis TVI laudes illis relinquere, quibus celebrior in scribendo est facultas. Permites tamen VIR CONSULTISSIME, ut honorem illum per indefessum bonarum literarum studium acquisitum, quo rigoroso TVOS in *jure* profectus explorandi causa examine præmissio. J. V. LICENTIATVS initio *anni ætatis vigesimi secundi* dignissime denominatus es, ex animo TIBI gratuler, quantaque inde lætitia perfundar, commonstrem. Sed & hic manus inhibetur, hæret penna, ut qua ratione gaudium meum inde exortum, animumque TIBI devotissimum satis exprimam, profusus sum ignarus. Quapropter & hic tenuitati meæ benevole ignoscendum censeas, & quod per vires meas imbecilles non licet, magnanimitate TVA compenses. Ego interea non cessabo cœlum aspiduis votis & precibus fatigare, ut quemadmodum huc usque TE cum TVA SPLENDIDISSIMA FAMILIA benigne protegendum suscepit, in posterum quoque omnia & anima & corporis bona largissimo in TE effundat fœnore, quo PEREXIMIA ET FVLGIDISSIMA DOMVS RODDIANA tot abhinc annis REIPUBLICAE LVBECENSI in magno habita honore, florem suum per TE conservet, TVQUE in eadem celsissimam dignitatis sedem nactus ad feros usque Nestoris annos pertingas. Cæterum cum jam abitum hinc VVETZLARIAM, ut praxeos, uti vocant, cameralis peritior evadas, celeras, prosperum & felix TIBI iter divinum concedat Numen, etiam atque etiam precor, benevolumque TVVM favorem, quo me huc usque complecti dignatus es, ut impofterum mihi conserves, rogo. Cujus voti, sicut me participem futurum esse nullus dubito, ita & omnem me operam impensurum esse promitto, quo constet, benevolentia illius me non ingratum aestimatorum esse. Agedum felix faustusque discedas, & me propensa voluntate TVA ulterius prosequaris. VALE. Dabam Jenæ

dic XII. Aprilis MDCCXIV.



00 A 6357

ULB Halle
002 845 008

3





f
56.

v> 98

Rebo







52.

EPISTOLA

QVA
VIRO

PRÆNOBILISSIMO ET CONSVLTISSIMO DOMINO

DOMINO

JOH. RODDE.

LVBEC.

FAVORI ATQVE AMICO SVO OPTIMO,

CVM

PRO LICENTIA

SVMOS IN VTROQVE JURE CAPESSENDI HONORES
PVBLICE DISPVTTASSET,

HONORES HOSCE GRATVLATVR, ET FAVSTA
QVÆVIS ADPRECATVR,

SIMVLQVE NON NIHIL DISSERIT,

DE

CLARIS JURE-CONSVLTIS, QVI

IN IPSO JUVENTVTIS FLORE PRÆCLARAM

SVI NOMINIS FAMAM CONSECVTI SVNT

JOH. HENRICVS STOLTENBERG. LVBECENSIS.

SS. THEOL. STVDIOSVS.

JENÆ,

LITERIS MVLLERIANIS.